

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validat legala.

Lescha federala davart ils instituts da finanzas (Lescha davart ils instituts da finanzas, LIFin)

dals 15 da zercladur 2018 (versiun dal 1. da favrer 2021)

*L'Assamblea federala da la Confederaziun svizra,
sa basond sin ils artitgels 95 e 98 alineas 1 e 2 da la Constituziun federala¹,
suenter avair gi invista da la missiva dal Cussegl federal dals 4 da november 2015²,
concluda:*

1. chapitel Disposiziuns generalas

1. seciun Object, intent e champ d'applicaziun

Art. 1 Object ed intent

¹ Questa lescha regla las pretensiuns a l'activitat dals instituts da finanzas.

² Ses intent è quel da proteger ils investiders sco er ils clients d'instituts da finanzas e da garantir la funcziunalitat dal martgà da finanzas.

Art. 2 Champ d'applicaziun

¹ Instituts da finanzas en il senn da questa lescha èn, independentamain da lur furma giuridica:

- a. administraturs da facultad (art. 17 al. 1);
- b. trustees (art. 17 al. 2);
- c. administraturs da facultads collectivas (art. 24);
- d. direcziuns da fonds (art. 32);
- e. chasas da vaglias (art. 41).

AS 2018 5247

¹ SR 101

² BBI 2015 8901

² A questa lescha n'èn betg suttamess:

- a. personas che administreschan exclusivamain valurs da facultad da personas ch'èn colliadas cun elllas economicamain u famigliarmain;
- b. personas che administreschan exclusivamain valurs da facultad en il rom da plans da participaziun da laverants;
- c. advocats e notars e lur personas d'agid, uschenavant che lur activitat è suttamessa al secret professiunal tenor l'artitgel 321 dal Cedesch penal³ u a l'artitgel 13 da la Lescha dals 23 da zercladur 2000⁴ davart las advocatas ed ils advocats, sco er la persuna giuridica, en la quala questas personas èn organisadas;
- d. personas che administreschan facultads en il rom d'in mandat reglà per lescha;
- e. la Banca naziunala svizra e la Banca dals reglaments internaziunals;
- f. instituziuns da provediment ed ulteriuras instituziuns che servan tenor lur intent al provediment professiunal (instituziuns da provediment), fundaziuns da patruns (fonds da provediment da patruns), patruns che administreschan la facultad da lur instituziuns da provediment sco er federaziuns da patruns e federaziuns da laverants che administreschan la facultad da las instituziuns da lur federazion;
- g. instituziuns da l'assicuranza sociala e cassas da cumpensaziun;
- h. interpresas d'assicuranza en il senn da la Lescha dals 17 da december 2004⁵ davart la surveglianza da las assicuranzas;
- i. instituziuns d'assicuranza da dretg public tenor l'artitgel 67 alinea 1 da la Lescha federala dals 25 da zercladur 1982⁶ davart la provediment professiunal per vegls, survivents ed invaliditat;
- j. bancas en il senn da la Lescha da bancas dals 8 da november 1934⁷ (LB).

Art. 3 Pratica d'ina activitat a titel professiunal

Consideradas sco pratitgadas a titel professiunal en il senn da questa lescha èn tuttas activitads economicas independentas che vegnan pratitgadas per obtegnair entradas regularas.

Art. 4 Societads superiuras da concern e societads da gruppia impurtantas

¹ A las mesiras dal dretg d'insolvenza tenor l'artitgel 67 alinea 1 èn suttamessas, premess ch'ellas na suttastettian betg a la cumpetenza da concurs da l'Autoridad federala per la surveglianza dals martgads da finanzas (FINMA) en il rom da la surveglianza da l'institut singul:

³ SR 311.0

⁴ SR 935.61

⁵ SR 961.01

⁶ SR 831.40

⁷ SR 952.0

- a. societads superiuras da concern d'ina gruppera da finanzas u d'in conglomerat da finanzas ch'èn domiciliadas en Svizra;
- b. quellas societads da gruppera che han ina sedia en Svizra e che adempleschan funcziuns impurtantias per las activitads che dovran ina permissiu (societads da gruppera impurtantias).

² Il Cussegli federal regla ils criteris per giuditgar l'impurtanza.

³ La FINMA designescha las societads da gruppera impurtantias e maina ina glista da questas societads. Questa glista è accessibla a la publicitat.

2. secziun Disposiziuns cuminaivlas

Art. 5 Obligaziun da dumandar ina permissiu

- ¹ Instituts da finanzas tenor l'artitgel 2 alinea 1 dovran ina permissiu da la FINMA.
- ² Els pon sa laschar inscriver en il register da commerzi pir suenter che la permissiu è concedida.
- ³ Instituts da finanzas tenor l'artitgel 2 alinea 1 litera c, che suttastattan en Svizra già ad ina surveglianza statala equivalenta, èn deliberads da l'obligaziun da permissiu.

Art. 6 Cascada da permissiuns

- ¹ La permissiu per pratitgar l'actividad sco banca en il senn da la LB⁸ autorisescha er da pratitgar l'actividad sco chasa da vaglias, sco administratur da facultads collectivas, sco administratur da facultad e sco trustee.
- ² La permissiu per pratitgar l'actividad sco chasa da vaglias autorisescha er da pratitgar l'actividad sco administratur da facultads collectivas, sco administratur da facultad e sco trustee.
- ³ La permissiu per pratitgar l'actividad sco direcziun da fonds autorisescha er da pratitgar l'actividad sco administratur da facultads collectivas e sco administratur da facultad.
- ⁴ La permissiu per pratitgar l'actividad sco administratur da facultads collectivas autorisescha er da pratitgar l'actividad sco administratur da facultad.

Art. 7 Premissas per la permissiu

- ¹ In dretg da la permissiu ha, tgi che ademplescha las premissas da questa secziun e las premissas spezialas ch'èn applitgablas per ils singuls instituts da finanzas.

² Administraturs da facultad e trustees ston cumprovar cun la dumonda da permis-
siun ch'els vegnian survegliads d'ina organisaziun da surveganza tenor l'artitgel
43a da la Lescha dals 22 da zercladur 2007⁹ davart la surveganza dals martgads da
finanzas (LFINMA).

³ Il Cussegħ federal po fixar premissas supplementaras per la permissiun, sche quai è
necessari per realisar standards internaziunals renconuschids.

Art. 8 Midada dals fatgs

¹ L'institut da finanzas communitgescha a la FINMA mintga midada da fatgs che
furman la basa per la permissiun.

² Sche las midadas han ina impurtanza essenziala, sto vegnir dumandada ordavant la
permissiun da la FINMA per pudair cuntinuar cun l'activitat.

Art. 9 Organisaziun

¹ L'institut da finanzas sto fixar reglas adattadas per la gestiun da l'interresa ed
esser organisa uschia ch'el è en cas ademplir las obligaziuns legalas.

² El identifitgescha, mesira, regulescha e surveglia sias ristgas inclusiv las ristgas
giuridicas e las ristgas da reputazion e procura per controllas internas efficazias.

³ Il Cussegħ federal fixescha las pretensiuns minimalas a l'organisaziun dals instituts
da finanzas e tegna en quest connex en spezial quint da las differentas activitads
commerzialas e da las differentas grondezzas da l'interresa sco er da las ristgas dals
instituti da finanzas.

Art. 10 Lieu da la direcziun

¹ La direcziun da l'institut da finanzas sto sa chattar per propri en Svizra. Exceptadas
èn directivas e decisiuns generalas en il rom da la surveganza dal concern, sche
l'institut da finanzas furma ina part d'ina gruppera da finanzas ch'è suttamessa ad ina
surveganza consolidata tras autoritads da surveganza estras.

² Las personas ch'èn incumbensadas cun la gestiun da l'institut da finanzas ston
avair lur domicil en in lieu, dal qual anora ellas pon pratitgar per propri la gestiun.

Art. 11 Garanzia

¹ L'institut da finanzas e las personas incumbensadas cun l'administraziun e cun la
gestiun da l'institut da finanzas ston garantir in'attività commerciale irrepro-
schabla.

² Las personas incumbensadas cun l'administraziun e cun la gestiun da l'institut da
finanzas ston ultra da quai avair ina bona reputaziun e posseder las qualificaziuns
professiunalas ch'èn necessarias per la funcziun.

³ Er las persunas ch'èn participadas en moda qualifitgada vi d'in institut da finanzas ston avair ina buna reputazion e garantir che lur influenza na pregiuditgeschia betg in'activitat kommerziala prudenta e solida.

⁴ Sco participà en moda qualifitgada vi d'in institut da finanzas vala, tgi ch'è participà en moda directa u indirecta cun almain 10 pertschient dal chapital u da las vuschs vi da l'institut da finanzas u tgi che po influenzar decisivamain sia activitat kommerziala en autra moda.

⁵ Mintga persuna sto annunziar a la FINMA, sch'ella vul acquistar u vender ina participaziun qualifitgada directa u indirecta tenor l'alinea 4 vi d'in institut da finanzas. Questa obligaziun d'annunzia exista er, sch'ina participaziun qualifitgada vegn engrondida u reducida uschia ch'ella cuntanscha, surpassa u suppassa las savas da 20, 33 u 50 pertschient dal chapital u da las vuschs.

⁶ L'institut da finanzas annunzia a la FINMA las persunas che adempleschan las premissas tenor l'alinea 5, uschespert ch'el ha enconuschienscha da quest fatg.

⁷ Exceptads dals alineas 5 e 6 èn ils administraturs da facultad ed ils trustees.

⁸ Tgi ch'è participà en moda qualifitgada vi d'administraturs da facultad e vi da trustees, dastga pratitgar la gestiun.

Art. 12 Purschida publica da valurs mobigliaras sin il martgà primar

Tgi ch'è principalmain activ en il sectur da finanzas, dastga pratitgar las suandantas activitads mo, sch'el ha ina permissiun sco chasa da vaglias tenor questa lescha u sco banca tenor la LB¹⁰:

- a. surpigliar a titel professiunal valurs mobigliaras che vegnan emessas da terzas personas e porscher talas publicamain sin il martgà primar;
- b. crear a titel professiunal derivats en furma da valurs mobigliaras e porscher talas publicamain sin il martgà primar.

Art. 13 Protecziun cunter scumbigl e cunter engion

¹ La designaziun da l'institut da finanzas na dastga betg dar chaschun a scumbigls u ad engion.

² Las designaziuns «administratur da facultad», «trustee», «administratur da facultads collectivas», «direcziun da fonds» u «chasa da vaglias» dastgan personas duvrar mo alura sulettamain u en cumbinaziun da pleds en la firma, en la circumscripcziun da l'intent da la fatschenta u en documents da fatschenta, sch'ellas possedan la permissiun correspudenta. Resalvads restan ils artitgels 52 alinea 3 e 58 alinea 3.

Art. 14 Transferiment d'incumbensas

¹ Instituts da finanzas dastgan transferir ina incumbensa a terzs mo, sche quels han las abilitads, las enconuschienschas e las experientschas sco er las permissiuns ch'èn necessarias per ademplir questa activitad. Els instrueschan e survegian consienziusamain ils terzs incumbensads.

² La FINMA po suttametter il transferiment da decisiuns d'investizion ad ina persuna a l'exterior a la cundizion ch'i vegnia concludida ina cunvegna davart la collavurazion e davart il barat d'infurmaziuns tranter la FINMA e l'autoritat da surveglianza cumpetenta estra, en spezial, sch'il dretg ester pretenda la conclusiun d'ina tala cunvegna.

Art. 15 Fatschenta a l'exterior

In institut da finanzas fa in'annunzia a la FINMA avant ch'el:

- a. installescha, acquista u serra a l'exterior ina filiala, ina succursala u ina represchentanza;
- b. acquista u smetta ina participaziun qualifitgada vi d'ina societat estra.

Art. 16¹¹ Servetsch da mediaziun

Instituts da finanzas che na furneschan betg prestaziuns finanzialas tenor l'artitgel 3 litera c da la Lescha federala dals 15 da zercladur 2018¹² davart ils servetschs finanziars (LSFin) exclusivamain a clients instituzionali u professiunals tenor l'artitgel 4 alineas 3 e 4 LSFin, ston s'affiliar ad in servetsch da mediaziun tenor las disposiziuns dal 5. titel LSFin il pli tard, cur ch'els cumenzan cun lur activitad.

2. chapitel Institut da finanzas**1. seczjuni Administraturs da facultad e trustees****Art. 17 Definiziuns**

¹ Sco administratur da facultad vala, tgi che po – sa basond sin ina incumbensa – disponer en num e sin quint dals clients da las valurs da facultad da tals en il senn da l'artitgel 3 litera c cifras 1–4 LSFin¹³.

² Sco trustee vala, tgi che administrescha – sa basond sin il document da fundaziun d'in trust en il senn da la Convenziun dal 1. da fanadur 1985¹⁴ concerment la lescha applitgabla per trusts e lur renconuschienschaftscha – a titel professiunal facultads spezialas a favur dals beneficiads u per in tschert intent u dispona da talas.

¹¹ Versiun tenor la cifra I 7 da la LF dals 25 da sett. 2020 davart l'adattaziun dal dretg federal als svilups da la tecnologia dals registers electronics distribuïds, en vigur dapi il 1. da favr. 2021 (AS 2021 33; BBI 2020 233).

¹² SR 950.1

¹³ SR 950.1

¹⁴ SR 0.221.371

Art. 18 Furma giuridica

- 1 Administraturs da facultad e trustees che han lur sedia u lur domicil en Svizra ston avair ina da las suuandants furmas giuridicas:
- a. interresa singula;
 - b. societad commerziale;
 - c. associaziun.

2 Administraturs da facultad e trustees èn obligads da laschar s'inscriver en il register da commerzi.

Art. 19 Incumbensas

1 L'administratur da facultad administrescha portfolios individuals.

2 Il trustee administrescha la facultad speziala, procura che sia valur restia mantegnida e dovrà ella tenor ses intent.

3 Administraturs da facultad e trustees pon furnir supplementarmain en spezial ils suuandants servetschs:

- a. cussegliazion d'investiziun;
- b. analisa dal portfolio;
- c. purschida d'instruments finanzials.

Art. 20 Gestiunaris qualifitgads

1 La gestiun d'in administratur da facultad u d'in trustee sto vegnir exequida d'almain duas persunas qualifitgadas.

2 La gestiun po vegnir exequida mo d'ina persuna qualifitgada, sch'i vegn cumprovà che la cuntuuazion ordinaria da l'activitat economica è garantida.

3 Ina persuna è qualifitgada d'exequir la gestiun, sch'ella dispona d'ina scolaziun che correspunda a l'activitat da l'administratur da facultad u dal trustee sco er d'avunda experientscha professiunala en l'administraziun da facultad per terzs u en il rom da trusts il mument ch'ella surpiglia la gestiun. Il Cussegli federal regla ils detagls.

Art. 21 Management da las ristgas e controlla interna

1 Administraturs da facultad e trustees ston disponer d'in management da las ristgas adequatet e d'ina controlla interna efficazia che garantescha tranter auter che las prescripcions giuridicas ed internas da l'interresa vegnian garantidas (*compliance*).

2 Las incumbensas dal management da las ristgas e da la controlla interna pon vegnir ademplidas d'in mainagestiun qualifitgà u delegadas a collavuraturs cun las qualificaziuns correspondentes u ad in post extern qualifitgà.

³ Persunas che adempleschan incumbensas dal management da las ristgas e da la controlla interna na dastgan betg vegnir integradas en las activitads ch'ellas surveglan.

Art. 22 Chapital minimal e garanzias

¹ Il chapital minimal d'administraturs da facultad e da trustees sto importar 100 000 francs e sto vegnir pajà en en daner blut. El sto vegnir mantegni permanentamain.

² Ils administraturs da facultad ed ils trustees ston ultra da quai disponer da garanzias commensuradas u concluder in'assicuranza da responsabladad professiunala.

³ Il Cussegl federal fixescha ils imports minimals per las garanzias e la summa d'assicuranza da l'assicuranza da responsabladad professiunala.

Art. 23 Agens meds finanzials

¹ Administraturs da facultad e trustees ston posseder agens meds finanzials adequats.

² Ils agens meds finanzials ston adina importar almain in quart dals custs fixs da l'ultim quint annual, fin maximalmain 10 milliuns francs.

2. secziun Administraturs da facultads collectivas

Art. 24 Definiziun

¹ Sco administratur da facultads collectivas vala, tgi che administrescha a titel professiunal valurs da facultad en num e sin quint da:

- a. investiziuns collectivas da chapital;
- b. instituziuns da provediment.

² Sco administraturs da facultad en il senn da l'artitgel 17 alinea 1 valan:

- a. administraturs da facultads collectivas tenor l'alinea 1 litera a, da las qualas ils investiders èn qualifitgads en il senn da l'artitgel 10 alinea 3 u 3^{ter} da la Lescha dals 23 da zercladur 2006¹⁵ davart las investiziuns collectivas e che adempleschan ina da las suandantas premissas:

1. Las valurs da facultad administradas da las investiziuns collectivas da chapital, inclusiv las valurs da facultad ch'en vegnidas acquistadas grazia a l'applicaziun d'instruments finanzials cun effect da levagl, importan tut en tut maximalmain 100 milliuns francs.
2. Las valurs da facultad administradas da las investiziuns collectivas da chapital importan tut en tut maximalmain 500 milliuns francs e na cuntegnan nagins instruments finanzials cun effect da levagl; las investiziuns collectivas da chapital na concedan nagin dretg da rembursament durant ils emprims 5 onns suenter che l'emprima investiziun è vegnida fatga;

¹⁵ SR 951.31

- b. administraturs da facultads collectivas tenor l'alinea 1 litera b che administraturs da facultads collectivas, sche quai veggia pretendi dal stadi, en il qual l'investizion collectiva da chapital veggia constituida u purschida u en il qual l'instituzion da provediment veggia manada. Il Cussegli federal regla ils detagli.

Art. 25 Furma giuridica

L'administratur da facultads collectivas cun sedia en Svizra sto avair la furma giuridica d'ina societad commerzialis.

Art. 26 Incumbensas

¹ L'administratur da facultads collectivas garantescha l'administratzion dal portfolio ed il management da las ristgas per las valurs da facultad confidadas ad el.

² Ultra da quai dastga l'administratur da facultads collectivas pratitgar en spezial la gestiun da fonds per investiziuns collectivas da chapital estras. Sch'il dretg ester pretendia ina cunvegna davart la collauraziun e davart il barat d'infurmazions tranter la FINMA e las autoritats da surveilanza estras ch'èn relevantas per la gestiun da fonds, dastga el pratitgar questa gestiun mo, sch'ina tala cunvegna è veggida concludida.

³ L'administratur da facultads collectivas po exequir supplementarmain activitats administrativas en il rom da questas incumbensas.

Art. 27 Transferiment d'incumbensas

¹ L'administratur da facultads collectivas po transferir incumbensas a terzs, sche quai è en l'interess d'ina administratzion adequata.

² Tgi che transferescha l'administratzion da facultads d'ina instituzion da provediment u d'ina investizion collectiva da chapital ad in administratur da facultads collectivas, resta responsabel che las prescripziuns d'investizion mintgamai appligblas veggian observadas.

Art. 28 Chapital minimal e garanzias

¹ Administraturs da facultads collectivas ston disponer dal chapital minimal pretendi. Quel sto esser pajà en cumplettamain.

² La FINMA po permetter ad administraturs da facultads collectivas en furma da societads da personas da prestar garanzias commensuradas empè dal chapital minimal.

³ Il Cussegli federal regla l'autezza dal chapital minimal e da las garanzias. Ultra da quai po el suttametter la concessiun da la permissiun a la cundizion ch'i veggia fatga in'assicuranza da responsabladad professiunala.

Art. 29 Agens meds finanzials

¹ Administraturs da facultads collectivas ston disponer dal chapital minimal pretendì.

² Il Cussegli federal fixescha l'autezza dals agens meds finanzials a norma da l'activitat commerzialis e da las ristgas.

Art. 30 Surveglianza da gruppas e da conglomerats

Sche standards internaziunals renconuschids pretendant quai, po la FINMA su tammetter ina grappa da finanzas, che vegn dominada d'in administratur da facultads collectivas, u in conglomerat da finanzas, che vegn dominà d'in administratur da facultads collectivas, ad ina surveglianza da gruppas u da conglomerats.

Art. 31 Midada da l'administratur da facultads collectivas

L'administratur da facultads collectivas annunzia la surpigliada da ses dretgs e das obligaziuns tras in auter administratur da facultads collectivas ordavant a l'autoritat da surveglianza ch'è responsabla per surveglier l'investizion collectiva da chapital u l'instituzion da provediment.

3. secziun Direcziuns da fonds**Art. 32 Definiziun**

Scu direcziun da fonds vala, tgi che administrescha independentamain fonds d'investizion en l'agen num e sin quint dals investiders.

Art. 33 Furma giuridica ed organisazion

¹ La direcziun da fonds sto esser ina societad anonima che ha sia sedia e sia administratiun principala en Svizra.

² Il chapital d'aczias sto esser dividì en aczias al num.

³ Las persunas responsablas per la direcziun da fonds e da la banca da deposit ston mintgamai esser independentas da l'autra societad.

⁴ La finamira principala da la direcziun da fonds è la gestiun da fonds; quella consista da l'offerta da quotas dal fond d'investizion, da sia direcziun e da sia administratiun.

Art. 34 Incumbensas

Ultra da pratitgar las activitads tenor questa lescha dastga la direcziun da fonds furnir oravant tut ils ulteriurs sustants servetschs:

- a. depositar ed administrar tecnicamain investiziuns collectivas da chapital;
- b. administrar ina societad d'investizion a chapital variabel (SICAV).

Art. 35 Transferiment d'incumbensas

¹ La direcziun da fonds na dastga betg transferir a terzs la direcziun dal fond d'investiziun. Ella dastga però transferir a terzs decisiuns d'investiziun sco er incumbensas parzialas, sche quai è en l'interess d'ina administraziun adequata.

² Per investiziuns collectivas da chapital, da las qualas las quotas vegnan purschidas a cundiziuns facilitadas en l'Unio europeica pervia d'ina cunvegna, na dastgan las decisiuns d'investiziun vegnir transferidas ni a la banca da deposit ni ad outras interpresas, da las qualas ils interess pudessan collidar cun tals da l'administratur da facultads collectivas u da la direcziun da fonds u dals investiders.

Art. 36 Chapital minimal

¹ La direcziun da fonds sto disponer dal chapital minimal pretendì. Quel sto esser pajà en cumplettamain.

² Il Cussegl federal fixescha l'autezza dal chapital minimal.

Art. 37 Agens meds finanzials

¹ Tranter ils agens meds finanzials da la direcziun da fonds e la facultad totala da las investiziuns collectivas da chapital che vegnan administradas dad ella stoi dar ina relaziun adequata. Il Cussegl federal regla questa relaziun.

² En cas spezials po la FINMA conceder facilitaziuns, premess che l'intent da protecziun da questa lescha na vegnia betg pregiuditigà, u ordinar mesiras pli severas en chaussa.

³ Ils agens meds finanzials prescrits na dastga la direcziun da fonds ni investir en quotas da fonds, ch'ella ha emess sezza, ni emprestar a ses acziunaris u a persunas naturalas e giuridicas ch'en colliadas economicamain u famigliarmain cun tals. Sche meds finanzials liquids vegnan tegnids tar la banca da deposit, na vala quai betg sco emprest.

Art. 38 Dretgs

¹ La direcziun da fonds ha il dretg:

- a. da l'indemnisazion previsa en il contract da fond;
- b. da la liberaziun da las obligaziuns ch'ella ha surpiglià per ademplir correc-tamain sias incumbensas;
- c. da la cumpensaziun da las expensas ch'ella ha fatg per ademplir questas obligaziuns.

² Quests dretgs vegnan ademplids or dals meds finanzials dal fond d'investiziun. La responsabludad persunala dals investiders è exclusa.

Art. 39 Midada da la direcziun da fonds

¹ Ils dretgs e las obligaziuns da la direcziun da fonds pon vegnir transferids ad in'autra direcziun da fonds.

² Il contract da transferiment è mo valaivel, sch'el vegn fixà en scrit u en in'autra furma che permetta ina cumprova tras text, sch'el ha il consentiment da la banca da deposit e sch'el vegn approvà da la FINMA.

³ La direcziun da fonds vertenta communityescha en ils organs da publicaziun il transferiment planisà avant l'approvaziun tras la FINMA.

⁴ En las publicaziuns ston ils investiders vegnir rendids attent a la pussaivladad d'inoltrar objecziuns tar la FINMA entaifer 30 dis dapi la publicaziun. La procedura sa drizza tenor la Lescha federala dals 20 da december 1968¹⁶ davart la procedura administrativa.

⁵ La FINMA approvescha la midada da la direcziun da fonds, sche las prescripziuns legalas èn observadas e sche la cuntuaziun dal fond d'investiziun è en l'interess dals investiders.

⁶ Ella publitescha la decisiun en ils organs da publicaziun.

Art. 40 Excorporaziun da la facultad dal fond

¹ En cas d'in concurs da la direcziun da fonds vegnan ils bains ed ils dretgs che appartegnan al fond d'investiziun excorporads a favur dals investiders. Resalvads restan ils dretgs da la direcziun da fonds tenor l'artitgel 38.

² Debits da la direcziun da fonds, che na resultan betg dal contract da fond, na pon betg vegnir scuntrads cun pretensiuns che appartegnan al fond d'investiziun.

4. secziun Chasas da vaglias

Art. 41 Definiziun

Sco chasa da vaglias vala tgi che fa – a titel professiunal – il suandard:

- a. commerzi cun valurs mobigliaras en l'agen num sin quint dals clients;
- b. commerzi a curta vista cun valurs mobigliaras sin agen quint, è oravant tut activ sin il martgà da finanzas e:
 - 1. pudess pervia da quai periclitari la funcziunalitat dal martgà da finanzas, u
 - 2. è activ sco commember d'ina piazza commerziale; u
- c. commerzi a curta vista cun valurs mobigliaras sin agen quint e fixescha publicamain ils curs per singulas valurs mobigliaras en moda permanenta u sin dumonda (*market maker*).

Art. 42 Furma giuridica

Ina chasa da vaglias cun sedia en Svizra sto avair la furma giuridica d'ina sociedad commerziale.

¹⁶ SR 172.021

Art. 43 Chasas da vaglias sut domini ester

Las prescripcziuns da la LB¹⁷ concernent bancas sut domini ester valan tenor il senn.

Art. 44 Incumbensas

¹ La chasa da vaglias po en spezial:

- a. manar – en il rom da sia activitad tenor l'artitgel 41 – persunalmain u tar terzs contos per ils clients per realisar il commerzi cun valurs mobigliaras;
- b. tegnair en salv persunalmain u sin agen num tar terzs valurs mobigliaras dals clients;
- c. surpigliar a titel professiunal en moda definitiva u en cumissiun e porscher publicamain sin il martgà primar valurs mobigliaras ch'en vegnidias emessas da terzs;
- d. crear sezza a titel professiunal derivats ch'ella porscha sin agen quint u sin quint da terzs publicamain sin il martgà primar.

² En la dimensiun da sia activitad tenor l'alinea 1 litera a po ella – a titel professiunal – prender en consegna deposits dal public.

³ Il Cussegl federal po decretar prescripcziuns davart l'utilisaziun da deposits dal public.

Art. 45 Chapital minimal e garanzias

¹ Las chasas da vaglias ston disponer dal chapital minimal pretendì. Quel sto esser pajà en cumplettamain.

² La FINMA po permetter a chasas da vaglias en furma da societads da personas da prestar garanzias commensuradas empè dal chapital minimal.

³ Il Cussegl federal regla l'autezza dal chapital minimal e da las garanzias.

Art. 46 Agens meds finanzials, liquiditat e repartiziun da las ristgas

¹ Las chasas da vaglias ston disponer – individualmain e sin basa consolidada – d'agens meds finanzials adequats e d'ina liquiditat commensurada.

² Ellas ston repartir en moda adequata lur ristgas.

³ Il Cussegl federal regla las pretensiuns a la repartiziun da las ristgas. El fixescha l'autezza dals agens meds finanzials e da la liquiditat a norma da l'activitad kommerziala e da las ristgas.

⁴ En cas motivads po la FINMA conceder facilitaziuns, premess che l'intent da protecziun da questa lescha na vegnia betg pregiuditgà, u ordinar mesiras pli severas en chaussa.

⁵ La FINMA è autorisada da decretar prescripcziuns executivas.

¹⁷ SR 952.0

Art. 47 Chapital supplementar

Las prescripcziuns da la LB¹⁸ concernent il chapital supplementar valan tenor il senn.

Art. 48 Rendaquint

Las prescripcziuns da la LB¹⁹ concernent il rendaquint valan tenor il senn.

Art. 49 Surveglianza da gruppas e da conglomerats

¹ Duas u pliras interpresas valan sco gruppera da finanzas dominada d'ina chasa da vaglias, sche:

- a. almain ina dad ellas è activa sco chasa da vaglias;
- b. ellas èn principalmain activas en il sectur da finanzas; e
- c. ellas furman in'unitad economica u i po vegnir supponi dad ellas pervia d'autras circumstanzas ch'ina u pliras interpresas puttamezzas a la surveglianza individuala èn obligadas giuridicamain u sfurzadas facticamain da sustegnair outras societads da la gruppera.

² Sco conglomerat da finanzas dominà d'ina chasa da vaglias vala ina gruppera da finanzas tenor l'alinea 1 ch'è activa oravant tut en il commerzi cun vaglias ed a la quala appartegna almain ina interpresa d'assicuranza d'ina impurtanza economica considerabla.

³ Las prescripcziuns da la LB²⁰ concernent las gruppas da finanzas e concernent ils conglomerats da finanzas valan tenor il senn.

Art. 50 Obligaziun da far registraziuns

La chasa da vaglias sto registrar las incumbensas e las fatschentas ch'ella fa cun tut las indicaziuns ch'èn necessarias per suendar las fatschentas e per surveglier sia actividad.

Art. 51 Obligaziun d'annunzia

¹ La chasa da vaglias sto far las annunzias ch'èn necessarias per la transparenza dal commerzi cun valurs mobigliaras.

² La FINMA regla, tge infurmaziuns che ston vegnir dadas a tgi en tge furma.

³ Sche l'intent da la lescha qua avant maun pretenda quai, po il Cussegli federal puttameetter a l'obligaziun d'annunzia tenor l'alinea 1 er persunas e societads che cumpran e vendan valurs mobigliaras a titel professiunal, ma senza l'agid d'ina chasa da vaglias. Las societads ston laschar controllar d'ina societad d'audit ch'è admesa da l'Autoritat federala da surveglianza en chaussas da revisiun (ASR) tenor l'artitgel 9a alinea 1 da la Lescha dals 16 da december 2005²¹ davart la surveglianza

18 SR 952.0

19 SR 952.0

20 SR 952.0

21 SR 221.302

da la revisiun (LSR), che questa obligaziun d'annunzia vegnia observada, ed èn obligadas da dar las infurmazions necessarias a la FINMA.

5. sezioni Succursals

Art. 52 Obligaziun da dumandar ina permissiu

¹ Ina permissiu da la FINMA basegnan instituts da finanzas cun sedia a l'exterior (instituts da finanzas esters) che vulan installar en Svizra ina succursala, en la quala elles occupan persunas che fän – en num da l'institut da finanzas ester respectiv – a titel professiunal e permanentamain il suendant en Svizra u da la Svizra anora:

- a. administreschan valurs da facultad u pratigeschan in'activitat sco trustee;
- b. fan l'administraziun da la facultad per investiziuns collectivas da chapital u per instituziuns da provediment;
- c. fan commerzi cun valurs mobigliaras;
- d. concludan fatschentas; u
- e. mainan contos da clients.

² Direcziuns da fonds estras na dastgan installar naginas succursals en Svizra.

³ Il Cussegli federal po far contracts internaziunals che prevesan che instituts da finanzas dals stadis contractants pon installar ina succursala senza permissiu da la FINMA, sche tuttas duas varts contractantas renconuschan sco equivalentas la regulaziun respectiva da l'activitat d'instituts da finanzas e las mesiras da surveglianza.

Art. 53 Premissas per la permissiu

La FINMA conceda a l'institut da finanzas ester ina permissiu per installar ina succursala, sche:

- a. l'institut da finanzas ester:
 1. è organisà suffizientamain e dispona d'avunda meds finanzials e da persunal qualifitgà per manar ina succursala en Svizra,
 2. è suttamess ad ina surveglianza adequata ch'inclusa er la succursala, e
 3. cumprova che la firma da la succursala po vegnir inscritta en il register da commerzi;
- b. las autoritads da surveglianza estras cumpetentas:
 1. na fan naginas objecziuns cunter l'installaziun d'ina succursala,
 2. s'obligheschan d'infurmari immediatamain la FINMA, sch'i capitan evenimenti che pudessan periclitari seriusamain ils interess dals investidors u dals clients, e
 3. prestan agid uffizial a la FINMA;

c. la succursala:

1. ademplescha las premissas tenor ils artitgels 9–11 e dispona d'in reglament che circumscriva precisamain il champ d'activitads e che prevesa in'organisazion administrativa u manaschiala che correspunda a sia activitat commerziala, e
2. ademplescha las premissas supplementaras per la permissiun tenor ils artitgels 54–57.

Art. 54 Reciprocidad

La FINMA po puttametter la concessiun da la permissiun per installar ina succursala d'in institut da finanzas ester a la cundizion ch'ils stadis, en ils quals l'institut da finanzas ester u las personas estras cun participaziuns qualifitgadas han lur domicil u lur sedia, concedian il dretg reciproc.

Art. 55 Gruppas da finanzas e conglomerats da finanzas

Sch'in institut da finanzas ester è ina part d'ina gruppera da finanzas u d'in conglomérat da finanzas, po la FINMA puttametter la concessiun da la permissiun a la cundizion che l'institut da finanzas ester seja puttameess ad ina surveglianza consolidada tras autoritads da surveglianza estras.

Art. 56 Garanzias

La FINMA po puttametter la concessiun da la permissiun per installar ina succursala d'in administratur da facultad ester, d'in trustee ester u d'in administratur da facultads collectivas ester a la cundizion ch'i vegnia prestada ina garanzia, sche la protecziun dals investiders u dals clients pretendia quai.

Art. 57 Regulaziun excepcionala

Il Cussegl federal po prevair che succursalas d'instituts da finanzas esters vegnian deliberadas d'observar tschertas prescripcziuns da questa lescha.

6. secziun Represchentanzas

Art. 58 Obligaziun da dumandar ina permissiun

¹ Instituts da finanzas basegnan ina permissiun da la FINMA, sch'els occupan en Svizra personas ch'èn activas a titel professiunal e permanentamain en Svizra u da la Svizra anora en in'autra moda che fixà en l'artitgel 52 alinea 1, cunzunt, sche questas personas transfereschan incumbensas dals clients ad els u sch'ellas als represchentan per intets da reclama u per auters intets.

² Direcziuns da fonds estras na dastgan installar naginas represchentanzas en Svizra.

³ Il Cussegħ federal po far contracts internaziunals che prevesan che instituts da finanzas dals stadiς contractants pon installar ina represchentanza senza permissiun da la FINMA, sche tuttas duas varts contractantas renconuschan sco equivalentas la regulaziun respectiva da l'aktivitat d'instituts da finanzas e las mesiras da survegħianza.

Art. 59 Premissas per la permissiun

1 La FINMA conceda a l'institut da finanzas ester ina permissiun per installar ina represchentanza, sche:

- a. l'institut da finanzas ester è suttamess ad ina survegħianza adequata;
- b. las autoritads da survegħianza estras na fan naginas objecziuns cunter l'installaziun da la represchentanza;
- c. las persunas incumbensadas cun sia direcziun garanteschan in'aktivitat kommerzjalia irreproschabla.

2 Supplementarmain po la FINMA suttametter la permissiun a la cundiziun ch'il stadi, en il qual l'institut da finanzas ester ha sia sedia, concedia il dretg reciproc.

Art. 60 Regulaziun excepcjonal

Il Cussegħ federal po prevair che represchentanzas d'instituts da finanzas esters vegnian deliberadas d'observar tschertas prescripziuns da questa lescha.

3. chapitel Survegħianza

Art. 61 Cumpetenza

1 Administraturs da facultad e trustees vegnан survegliads da la FINMA consultond in'organisazjoni da survegħianza tenor la LFINMA²². Resalvada resta la survegħianza consolidata tras la FINMA tenor ihs artitgels 30 e 49 da questa lescha u tenor las leħħas davart ihs martgħad da finanzas tenor l'artitgel 1 alinea 1 LFINMA.

2 L'aktivitat da survegħianza currenta dals administraturs da facultad e dals trustees vegn exequida d'organisazzjoni da survegħianza ch'èn permessas da la FINMA.

3 Administraturs da facultads collectivas, direcziuns da fonds e chassas da vagħlias vegnан surveigliads da la FINMA.

4 Schi n'exista nagina organisazjoni da survegħianza tenor l'alinea 1, exequscha la FINMA la survegħianza.

²² SR 956.1

Art. 62 Verificazion dals administraturs da facultad e dals trustees

¹ Ils administraturs da facultad ed ils trustees ston incumbensar ina societad d'audit tenor l'artitgel 43k alinea 1 LFINMA²³ cun ina verificazion annuala, uschenavant che questa verificazion na vegn betg fatga da l'organisazion da surveglianza respectiva sezza.

² L'organisazion da surveglianza po extender la periodicitat da la verificazion a maximalmain 4 onns, resguardond l'activitat dals survegliads e las ristgas ch'en colliadas cun quai.

³ Ils onns, durant ils quals i na vegn fatga nagina verificazion periodica, furneschan ils administraturs da facultad ed ils trustees in rapport a l'organisazion da surveglianza davart il fatg che lur activitat kommerziala correspundia a las prescripcions legalas. Quest rapport po vegnir furni en ina furma standardisada.

Art. 63 Verificazion dals administraturs da facultads collectivas, da las direcziuns da fonds, da las chasas da vaglias, da las gruppas da finanzas e dals conglomerats da finanzas

¹ Ils administraturs da facultads collectivas, las direcziuns da fonds, las chasas da vaglias, las gruppas da finanzas ed ils conglomerats da finanzas ston:

- a. incumbensar ina societad d'audit admissa da la ASR tenor l'artitgel 9a alinea 1 LSR²⁴ cun ina verificazion annuala tenor l'artitgel 24 LFINMA²⁵;
- b. laschar verifitgar lur quint annual ed eventualmain lur quint dal concern d'ina interpresa da revisiun, che stat sut la surveglianza dal stadi, e quai tenor ils princips da la revisiun ordinaria dal Dretg d'obligaziuns (DO)²⁶.

² Per la verificazion tenor l'alinea 1 litera a po la FINMA prevair ina periodicitat da la verificazion da plirs onns, resguardond l'activitat dals survegliads e las ristgas ch'en colliadas cun quai.

³ Ils onns, durant ils quals i na vegn fatga nagina verificazion periodica, furneschan ils instituts da finanzas tenor l'alinea 1 in rapport a la FINMA davart il fatg che lur activitat kommerziala correspundia a las prescripcions legalas. Quest rapport po vegnir furni en ina furma standardisada.

⁴ La direcziun da fonds incumbensescha per sasezza e per ils fonds d'investiziun administrads dad ella la medema societad d'audit.

⁵ La FINMA po far sezza verificaziuns directas.

²³ SR 956.1

²⁴ SR 221.302

²⁵ SR 956.1

²⁶ SR 220

Art. 64 Obligaziun da dar infurmaziuns ed obligaziun d'annunzia en cas d'in transferiment da funcziuns essenzialas

¹ Sch'in institut da finanzas transferescha funcziuns essenzialas ad outras persunas, èn quellas suttamessas a l'obligaziun da dar infurmaziuns ed a l'obligaziun d'annunzia tenor l'artitgel 29 LFINMA²⁷.

² La FINMA po far da tut temp verificaziuns tar questas persunas.

Art. 65 Suspensiun dal dretg da votar

Per far valair l'artitgel 11 alineas 3 e 5 po la FINMA suspender il dretg da votar ch'è lià vi d'aczias u vi da quotas che veggan tegnidas da participads qualifitgads.

Art. 66 Liquidaziun

¹ Sche la FINMA privescha in institut da finanzas da la permissiun, ha quai per consequenza per persunas giuridicas, per societads collectivas e per societads commanditaras ch'ellas veggan schiliadas e per interpresas singulas ch'ellas veggan extinguidas en il register da commerzi.

² La FINMA designescha il liquidatur e surveglia sia activitatad.

³ Resalvadas restan las prescripcziuns dal dretg d'insolvenza.

Art. 67 Mesiras dal dretg d'insolvenza

¹ Las disposiziuns da la LB²⁸ davart las mesiras en cas d'in privel d'insolvenza e davart il concurs bancar valan tenor il senn per direcziuns da fonds e per chasas da vaglias.

² Las disposiziuns da la LB davart la garanzia dals deposits e davart las valurs da facultad senza identidad valan tenor il senn per chasas da vaglias.

4. chapitel Responsabludad e disposiziuns penales**1. secziun Responsabludad****Art. 68**

¹ La responsabludad dals instituts da finanzas e da lur organs sa drizza tenor las disposiziuni dal DO²⁹.

² Sch'in institut da finanzas transferescha l'adempilment d'ina incumbensa ad in terz, è el responsabel per il donn che quest terz chaschuna, nun ch'el cumprovia ch'el haja agi cun tut il quità che veggan pretendì da las circumstanzas en quai che reguarda la tscherna, l'instrucziun e la surveglianza da quest terz. Il Cussegl federal po reglar las pretensiuns a la surveglianza.

²⁷ SR 956.1

²⁸ SR 952.0

²⁹ SR 220

³ Per acziuns da persunas, a las qualas la direcziun da fonds ha transferì incumbensas tenor l'artitgel 35 alinea 1, è responsabla la direcziun da fonds sco per l'agen agir.

2. secziun Disposiziuns penals

Art. 69 Violaziun dal secret professiunal

¹ Cun in chasti da detenziun fin 3 onns u cun in chasti pecuniar vegrn chastià, tgi che fa intenziunadamain il suandard:

- a. palaisa in secret ch'è vegrn confidà ad el en sia qualitat sco organ, sco emploia, sco incumbensà u sco liquidatur d'in institut da finanzas u ch'el è vegrn a savair en questa qualitat;
- b. emprova da surmanar ad ina tala violaziun dal secret professiunal;
- c. palaisa ad ulteriuras persunas in secret ch'è vegrn palesà ad el violond la litera a u profita d'in tal secret per sai u per in auter.

² Cun in chasti da detenziun fin 5 onns u cun in chasti pecuniar vegrn chastià, tgi che procura in avantatg da facultad per sasez u per in auter tras in'acziun tenor l'alinea 1 litera a u c.

³ Tgi che agescha per negligentscha, vegrn chastià cun ina multa fin 250 000 francs.

⁴ La violaziun dal secret professiunal è chastiabla er suenter che la relazion d'uffizi u da servetsch u la pratica da la professiun è vegrnid terminada.

⁵ Resalvadas restan las disposiziuns federalas e chantunlas davart l'obligaziun da dar perditga e davart l'obligaziun d'infurmari in'autoritat.

⁶ La persecuzion ed il giudicament da las acziuns tenor questa disposiziun èn chaussa dals chantuns.

Art. 70 Violaziun da las disposiziuns davart la protecziun cunter scumbigl e cunter engion sco er da las obligaziuns d'annunzia

Cun ina multa fin 500 000 francs vegrn chastià, tgi che fa intenziunadamain il suandard:

- a. cuntrafa a la disposiziun davart la protecziun cunter scumbigl e cunter engion (art. 13);
- b. na fa betg, fa en moda faussa u fa memia tard a la FINMA las annunzias prescrittas tenor ils artitgels 11 e 15.

Art. 71 Violaziun da las obligaziuns da far registraziuns e d'annunzia

Cun ina multa fin 500 000 francs vegrn chastià, tgi che fa intenziunadamain il suandard:

- a. violescha l'obligaziun da far registraziuns tenor l'artitgel 50;
- b. violescha l'obligaziun d'annunzia tenor l'artitgel 51.

5. chapitel Disposiziuns finalas

Art. 72 Disposiziuns executivas

Il Cussegl federal decretescha las disposiziuns executivas.

Art. 73 Aboliziun e midada d'auters decrets

L'aboliziun e la midada d'auters decrets vegnan regladas en l'agiunta.

Art. 74 Disposiziuns transitoricas

¹ Instituts da finanzas che disponan – il mument che questa lescha entra en vigur – d'ina permissiun tenor ina lescha davart ils martgads da finanzas tenor l'artitgel 1 alinea 1 LFINMA³⁰ per l'activitat correspondenta, na basegnan nagina nova permissiun. Els ston ademplir las pretensiuns da questa lescha entaifer 1 onn a partir sia entrada en vigur.

² Instituts da finanzas che na sustattattan tenor il dretg vertent betg ad in'obligaziun da dumandar ina permissiun, ma che sustattattan da nov ad in'obligaziun da dumandar ina permissiun, cur che questa lescha entra en vigur, s'annunzian tar la FINMA entaifer 6 mais a partir da l'entrada en vigur da questa lescha. Els ston ademplir las pretensiuns da questa lescha entaifer 3 onns a partir da l'entrada en vigur ed inoltrar ina dumonda da permissiun. Fin a la decisiun davart la permissiun pon els cuntinuar cun lur activitat, premess ch'els sajan affiliads ad in'organisaziun d'autoregulaziun tenor l'artitgel 24 da la Lescha dals 10 d'october 1997³¹ davart la lavada da daners suspectus (LLDS) e che quella controllia ch'els observian las obligaziuns correspondentes.

³ Administraturs da facultad e trustees che cumenzan cun lur activitat entaifer 1 onn suenter l'entrada en vigur da questa lescha, ston s'annunziar immediatamain tar la FINMA ed ademplir las premissas per la permissiun – cun excepziun da l'artitgel 7 alinea 2 – a partir dal mument ch'els cumenzan cun lur activitat. Il pli tard 1 onn suenter che la FINMA ha permess in'organisaziun da surveglianza tenor l'artitgel 43a LFINMA, ston els s'affiliar ad ina tala organisaziun da surveglianza ed inoltrar ina dumonda da permissiun. Fin a la decisiun davart la permissiun pon els pratigar lur activitat, premess ch'els sajan affiliads ad in'organisaziun d'autoregulaziun tenor l'artitgel 24 LLDS e che quella controllia ch'els observian las obligaziuns correspondentes.

⁴ En cas spezials po la FINMA prolungar ils termins tenor ils alineas 1 e 2.

³⁰ SR 956.1

³¹ SR 955.0

Art. 74a³² Coordinaziun cun la midada da la Lescha davart la lavada da daners suspectus en il rom da la Lescha da gieus per daners dals 29 da settember 2017

...³³

Art. 75 Referendum ed entrada en vigur

¹ Questa lescha è puttamessa al referendum facultativ.

² Il Cussegl federal fixescha l'entrada en vigur.

³ Questa lescha entra en vigur mo ensemen cun la LSFIn³⁴.

⁴ Il Cussegl federal po metter en vigur anticipadament las suandantas disposiziuns:

- a. la midada da la Lescha federala dals 23 da mars 2001³⁵ davart credits da consum (agiunta cifra 2);
- b. l'artitgel 9a alinea 4^{bis} LSR³⁶ (agiunta cifra 3);
- c. ils artitgels 1a, 1b, 47 alinea 1 litera a e 52a LB³⁷ (agiunta cifra 14);
- d. l'artitgel 2 alinea 2 litera a LLDS³⁸ (agiunta cifra 15);
- e. ils artitgels 4, 5 e 15 alinea 2 litera a LFINMA³⁹ (agiunta cifra 16).

⁵ L'artitgel 15 alinea 2 litera a LFINMA vala fin a l'entrada en vigur da l'artitgel 15 alinea 2 litera a^{bis} LFINMA (agiunta cifra 16).

Data da l'entrada en vigur: 1. da schaner 2020⁴⁰

³² Integrà tras la rectificaziun da la Cumissiun da redacziun da la AF dals 24 da sett. 2019 (AS **2019** 5065).

³³ Las disposiziuns da coordinaziun pon vegnir consultadas en la AS **2019** 5065 ed en la AS **2020** 501. Rectificaziun da la Cumissiun da redacziun da la AF dals 31 da schan. 2020, publitgà ils 18 da favr. 2020 (AS **2020** 501).

³⁴ SR **950.1**

³⁵ SR **221.214.1**

³⁶ SR **221.302**

³⁷ SR **952.0**

³⁸ SR **955.0**

³⁹ SR **956.1**

⁴⁰ O dals 6 da nov. 2019 (AS **2019** 4631).

Agiunta
(art. 73)

Aboliziun e midada d'auters decrets

I

La Lescha da bursas dals 24 da mars 1995⁴¹ vegn abolida.

II

Ils suustants decrets vegnan midads sco suonda:

...⁴²

⁴¹ [AS 1997 68 2044, 2005 5269 agiunta cifra II 7, 2006 2197 agiunta cifra 146, 2008 5207 agiunta cifra 16, 2012 6679 agiunta cifra 8, 2013 1103, 2014 4073 agiunta cifra 6, 2015 1535 cifra I 3 5339 agiunta cifra 11]

⁴² Las midadas pon vegnir consultadas en la AS 2018 5247.

